



BAHAGIAN KOMUNIKASI KORPORAT | KRAFTANGAN MALAYSIA
KOMPLEKS KRAF KUALA LUMPUR | JALAN CONLAY | 50450 KUALA LUMPUR
TEL : 03 - 2162 7459 | FAKS : 03 - 2161 3773 | www.kraftangan.gov.my |   KRAFTANGAN MALAYSIA

SIARAN MEDIA

SESI WALKABOUT FESTIVAL KRAF PERAK 2025

TELUK INTAN 1 SEPTEMBER 2025- Kementerian Pelancongan, Seni dan Budaya (MOTAC) melalui Perbadanan Kemajuan Kraftangan Malaysia (Kraftangan Malaysia) hari ini mengadakan Sesi *Walkabout* Festival Kraf Perak (FKP) 2025 yang bermula pada 28 Ogos hingga 7 September 2025 mulai jam 10.00 pagi sehingga 10.00 malam bertempat di Dataran Menara Condong, Teluk Intan, Perak.

Sesi *Walkabout* ini disempurnakan oleh Yang Berbahagia Dato' Shahrudin bin Abu Sohot, Ketua Setiausaha Kementerian Pelancongan, Seni dan Budaya. Hadir sama, Yang Berbahagia Dato' Mohd Yusri bin Mohd Yusoff, Timbalan Ketua Setiausaha (Kebudayaan) Kementerian Pelancongan, Seni dan Budaya dan Yang Berusaha Encik Surrendren Sathasivam, Timbalan Ketua Setiausaha (Pengurusan) Kementerian Pelancongan, Seni dan Budaya. Diiringi oleh, Yang Berbahagia Datuk 'Ainu Sham binti Haji Ramli, Ketua Pengarah Kraftangan Malaysia.

Pada Sesi *Walkabout* ini, tetamu kehormat menyantuni 55 orang usahawan kraf yang terlibat reruai aktiviti Jualan Produk Kraf. Festival ini turut melibatkan komuniti kraf baharu daripada tujuh Projek Pembangunan Kemahiran Komuniti (PPKK) iaitu PPKK Kraf Anyaman Rotan Orang Asli Pos Kuala Mu, PPKK Kraf Anyaman Rotan Orang Asli Lenggong, PPKK Kraf Anyaman Rotan Orang Asli Pos Yum, PPKK Kraf Batik Muallim, PPKK Kraf Batik Kampung Gajah, PPKK Kraf Batik Temengor dan PPKK Kraf Batik dan Jahitan Lempor. Penglibatan daripada komuniti kraf baharu adalah bertujuan untuk mempromosi serta memasarkan produk kraf secara fizikal terus kepada pembeli sekaligus melatih mereka menjadi usahawan kraf.

Selain itu, tetamu kehormat turut melihat Pameran Produk Kraf Baharu yang menampilkan olahan reka corak dan motif daripada bunga kelumpang. Antaranya, produk kraf tekstil batik, kotak cenderamata dan hiasan dinding. **-TAMAT-**